

COFNOD PENDERFYNIADAU CYFARFOD PENDERFYNIADAU'R AELOD O'R BWRDD GWEITHREDOL DROS Y GWASANAETHAU TECHNEGOL

15^{FED} MEHEFIN 2015

**Swyddfa Cyfarwyddwr y Gwasanaethau Amgylcheddol, Neuadd y Sir,
Caerfyrddin**

3.30pm – 3.47pm

YR AELOD O'R BWRDD GWEITHREDOL	Y PORTFFOLIO
Y Cyngorydd H.A.L. Evans	Y Gwasanaethau Technegol

Yr oedd y swyddogion canlynol yn gwasanaethu yn y cyfarfod:-

Mr J. McEvoy	Y Rheolwr Traffig a Diogelwch Ffyrdd
Mr K. Thomas	Swyddog Gwasanaethau Democrataidd

DATGAN BUDDIANNAU PERSONOL

1.	Ni ddatganwyd dim buddiannau personol yn y cyfarfod
-----------	---

Ar ôl ystyried yr adroddiadau am yr eitemau isod, a chan roi sylw i farn yr Aelodau Lleol a'r rhai oedd a wnelont â'r materion, gwnaeth yr Aelod o'r Bwrdd Gweithredol y penderfyniadau canlynol:-

Rhif yr Eitem	Y Pwnc / Penderfyniad	Gweithredu gan
2.	<p>GWRTHWYNEBIADAU I ORCHYMYN CYDGYFNERTHU SIR GAERFYRDDIN (AC EITHRIO CAERFYRDDIN, LLANELLI A RHYDAMAN) (CYFYNGU AR AROS, A MANNAU PARCIO AR Y STRYD) (AMRYWIAD RHIF 20) 2015</p> <p>Rhodddwyd gwybod i'r Aelod o'r Bwrdd Gweithredol fod yr Awdurdod wedi cyhoeddi cynigion ar 4^{ydd} Mawrth 2015 gyda golwg ar wneud y Gorchymyn uchod ynghylch y priffyrdd a restrwyd yn Atodiad 1 i'r adroddiad (Hysbysiad Cyhoeddus ynghylch yr Atodlen o Leoliadau), ac wedi gwahodd sylwadau arnynt erbyn 27^{ain} Mawrth 2015.</p> <p>Er nad oedd yr ymgylgoreion statudol wedi gwrthwynebu'r cynigion, yr oedd dau wrthwynebiad wedi dod i law ynghylch Heol Pendderi a Phencoed Isaf, y Bynea ac ynghylch Heol Cae'r Felin (yr A476) (yr ochr orllewinol), Dyffryn y Swistir, fel y manylwyd arnynt yn Atodiad 2 i'r adroddiad.</p> <p>O ran y cynigion ar gyfer Heol Pendderi a Phencoed Isaf, yr oedd sylw wedi dod i law a awgrymai na ddylid camu ymlaen â'r cynigion a bod y Cyngor yn rhoi sylw i ddewisiadau eraill ar gyfer y briffordd, a allai gynnwys ymestyn y twmpathau arafu oedd yn Heol yr Orsaf ar hyn o bryd. O ran y cynnig ar gyfer Heol Cae'r Felin (yr A476), yr oedd yr ymatebydd wedi awgrymu bod y cynnig yn cael ei fyrhau 5m ger y tro er mwyn caniatáu elfen o barcio ar y stryd.</p>	



**COFNOD PENDERFYNIADAU CYFARFOD PENDERFYNIADAU'R AELOD
O'R BWRDD GWEITHREDOL DROS Y GWASANAETHAU TECHNEGOL**

15^{FED} MEHEFIN 2015

Rhif yr Eitem	Y Pwnc / Penderfyniad	Gweithredu gan
	<p>Dywedodd y Rheolwr Traffig a Diogelwch Ffyrdd taw'r farn, ar ôl rhoi sylw i'r gwrthwynebiadau a ddaethai i law, oedd y dylid ildio iddynt. Byddai hyn yn fodd i gynnal rhagor o asesiadau ynghylch Heol Pendderi a Phencoed Isaf e.e. arafu traffig neu gyfyngiadau cyflymder, a byddai lleihau'r pellter yn achos Heol Cae'r Felin yn golygu bod modd gweld yn well a sicrhau bod y gwelededd yn rhagori ar y pellter gweld cyn stopio oedd yn cael ei argymhell. Ei argymhelliad oedd cadarnhau'r Gorchymyn yn amodol ar y newidiadau yr oeddid wedi gofyn amdanynt yn achos Heol Pendderi a Phencoed Isaf, y Bynea, ac yn achos Heol Cae'r Felin (yr A476) (yr ochr orllewinol), Dyffryn y Swistir.</p> <p>Cyfeiriodd yr Aelod o'r Bwrdd Gweithredol at y cynigion ar gyfer yr A475 yng Nghastellnewydd Emlyn, ac, er ei bod hi'n gefnogol iddynt, mynegodd ei phryder ynghylch bod posibilrwydd, yn sgil eu cyflwyno, y byddai cerbydau'n cael eu parcio ar hyd ffordd gyfagos Blaenwern yn hytrach nag yn y mannau presennol ar hyd yr A475. Gofynnodd a oedd unrhyw fesurau y gellid eu cyflwyno i atal hynny rhag digwydd. Dywedodd y Rheolwr Traffig a Diogelwch Ffyrdd na allai'r Cyngor gyflwyno gorchymyn traffig ar ffordd Blaenwern gan nad oedd yn briffordd gyhoeddus fabwysiedig. Fodd bynnag, gan fod Blaenwern ym meddiant y Cyngor, byddai'n gofyn i gyfreithwyr y Cyngor a fyddai modd cyflwyno Gorchymyn Rheoleiddio.</p> <p>PENDERFYNWYD cadarnhau Gorchymyn Cydgyfnerthu Sir Gaerfyrddin (ac eithrio Caerfyrddin, Llanelli a Rhydaman) (Cyfyngu ar Aros a Mannau Parcio ar y Stryd) (Amrywiad Rhif 20) 2015 fel y manylwyd arno yn Atodiad 1 (Hysbysiad Cyhoeddus ynghylch yr Atodlen o Leoliadau) yn amodol ar y canlynol:-</p>	<p align="center">S. Pilliner - Y Pennaeth Trafnidiaeth a Pheirianeg</p>
2.1	<p>Peidio â gweithredu'r cynigion ar gyfer Heol Pendderi a Phencoed Isaf, y Bynea, a chynnal rhagor o asesiadau er mwyn chwilio am ateb arall yn y mannau hynny.</p>	
2.2	<p>Gweithredu'r cynnig ar gyfer Heol Cae'r Felin (yr A476) (yr ochr orllewinol) Dyffryn y Swistir, ond ei fyrhau 5 metr.</p>	
2.3	<p>Rhoi gwybod am y penderfyniadau uchod i'r gwrthwynebwyr ac i'r aelodau lleol.</p>	



**COFNOD PENDERFYNIADAU CYFARFOD PENDERFYNIADAU'R AELOD
O'R BWRDD GWEITHREDOL DROS Y GWASANAETHAU TECHNEGOL**

15^{FED} MEHEFIN 2015

5.	COFNOD PENDERFYNIADAU CYFARFOD PENDERFYNIADAU'R AELOD O'R BWRDD GWEITHREDOL DROS Y GWASANAETHAU TECHNEGOL PENDERFYNWYD derbyn Cofnod Penderfyniadau'r cyfarfod oedd wedi ei gynnal ar 21^{ain} Ebrill, 2015.	Kevin Thomas Swyddog Gwasanaethau Democratiaidd
----	---	--

LLOFNODWYD: _____

YR AELOD O'R BWRDD GWEITHREDOL DROS Y GWASANAETHAU TECHNEGOL

Y DYDDIAD: _____

